



Coleg
Llandrillo

Coleg
Menai

Coleg
**Meirion
Dwyfor**

Busnes@
LlandrilloMenai

DECHREUA DY STORI



CYRSIAU LLAWN AMSER

**I GAEL Y SGILIAU A FYDD
YN HELPU DY DDYFODOL.**

GLLM.AC.UK

CYNNWYS

GWYBODAETH GYFFREDINOL

- 2 Croeso
- 4 Dewis dod i'r Coleg
- 6 Bywyd Myfyrwyr
- 8 Ein Campysau
- 10 Rydym yma i'ch helpu
- 12 Eich Cwrs
- 13 Pa lefel sy'n addas i mi?

**GWNA GAIS
RŴAN** 

CYRSIAU

- 14 Lefel A
- 15 Mynediad i Addysg Uwch
- 15 Gwyddoniaeth Gymhwysol
- 16 Prentisiaethau
- 16 Celf a Dylunio
- 17 Busnes
- 17 Datblygiad ac Addysg Plant
- 18 Cyfrifiadura, Technolegau Digidol a Datblygu Gemau
- 18 Adeiladu a'r Amgylchedd Adeiledig
- 19 Peirianeg a Gweithgynhyrchu Uwch
- 19 Saesneg i Siaradwyr Ieithoedd Eraill (ESOL)
- 20-21 Glynllifon
 - Peirianeg Diwydiannau'r Tir a Pheirianwaith Amaethyddol
 - Coedwigaeth a Rheoli Cefn Gwlad
 - Amaethyddiaeth
 - Astudiaethau Anifeiliaid a Nyrsio Milfeddygol
- 22 Trin Gwallt a Therapi Harddwch
- 22 Iechyd a Gofal Cymdeithasol
- 23 Lletygarwch ac Arlwyo
- 23 Sgiliau Bywyd a Gwaith
- 24 Technoleg Forol
- 24 Cyfryngau, Teledu a Ffilm
- 25 Technoleg Cerbydau Modur
- 25 Cerddoriaeth a Thechnoleg Cerddoriaeth
- 25 Celfyddydau Perfformio
- 26 Paratoi ar gyfer Addysg Bellach
- 26 Gwasanaethau Cyhoeddus
- 26 Sgiliau ar gyfer Astudio Pellach
- 27 Chwaraeon ac Addysg Awyr Agored
- 27 Academiâu Chwaraeon
- 28 Teithio a Thwristiaeth

YDYCH CHI'N BAROD I WNEUD CAIS?

- 28 Gwneud cais



Coleg Llandrillo
Coleg Meirion-Dwyfor
Coleg Menai
Coleg Glynllifon



@coleg_llandrillo
@meirion_dwyfor
@colegmenai_
@colegglynllifon



@colegllandrillo
@meiriondwyrfor
@colegmenai



@llandrillomenai

GALLAI DOD I'R COLEG **NEWID** **EICH BYWYD!**

Yn ôl ein cyn-fyfyrwyr, bu'r cyfleusterau tan gamp, y ffrindiau newydd a wnaethant a'r gefnogaeth a gawsant gan diwtoriaid yn fodd iddynt gael profiadau gwych yn y coleg, ac yn help iddynt gyrraedd targedau na chredent oedd yn bosibl.

Yn yr arweinyfr hwn, cewch fanylion y cyrsiau galwedigaethol, y pynciau Lefel A a'r prentisiaethau sydd ar gael i chi yng Ngholeg Llandrillo, Coleg Meirion-Dwyfor, Coleg Menai a Busnes@LlandrilloMenai.

Ydych chi'n ystyried beth i'w wneud ar ôl gorffen eich arholiadau TGAU, yn awyddus i gael swydd newydd neu â'ch bryd ar fynd i brifysgol? Wel, mae gennym lwybr sy'n addas i chi.

Pa gymhwyster bynnag y dewiswch ei astudio yn y coleg, gallwn eich sicrhau y bydd safon yr addysgu'n ardderchog ac y cewch gefnogaeth bersonol i ddilyn llwybr a fydd yn arwain at ddyfodol gwell.

GRADDAU

Rydym yn cynnig ystod eang o gymwysterau lefel prifysgol ar draws Gogledd Cymru, yn cynnwys Graddau Sylfaen a Graddau Anrhydedd a ddilyswyd gan Brifysgol Bangor. Mae llawer ohonynt yn gymwysterau galwedigaethol a ddatblygwyd mewn ymgynghoriad â chyflogwyr er mwyn rhoi i chi'r sgiliau a'r wybodaeth y mae cyflogwyr yn gofyn amdanynt ac er mwyn ei gwneud yn haws i chi symud ymlaen i waith.

I GAEL GWYBOD RHAGOR,
EWCH I'N GWEFAN:
GRADDAU



Cynllun Iaith Gymraeg

Croesewir gohebiaeth yn y Gymraeg a'r Saesneg a bydd amseroedd ateb gohebiaeth yn y naill iaith a'r llall yr un fath.

Newid a Chanslo

Credir bod y manylion a geir yn yr arweinyfr hwn yn gywir adeg ei gyhoeddi. Ni ellir dal Grŵp Llandrillo Menai'n gyfrifol os bydd yn rhaid newid neu ganslo cyrsiau am resymau anrffod. Ni chynhelir rhai cyrsiau os na fydd digon o fyfyrwyr wedi mynegi diddordeb yn y cwrs ymlaen llaw. Gwiriwch fanylion eich cwrs cyn cofrestru, os gwelwch yn dda.

DEWIS DOD I'R

COLE

CANLYNIADAU RHAGOROL

Bob blwyddyn, bydd ein myfyrwyr yn cael canlyniadau rhagorol ac yn dewis un ai parhau â'u hastudiaethau' mewn prifysgol neu fynd ymlaen i fyd gwaith. Yn 2024, roedd cyfradd llwyddo ein myfyrwyr Lefel A yn 99% ac mae rhai o'n cyn-fyfyrwyr wedi mynd ymlaen i astudio ym mhrifysgolion Caergrawnt a Rhydychen a phrifysgolion blaenllaw eraill sy'n perthyn i Grŵp Russell.

Mae 18% o'r dysgwyr galwedigaethol wedi ennill y graddau uchaf posibl sef Rhagoriaeth neu Ragoriaeth*.

Mae ein prentisiaid wedi ennill lluo o wobrau pwysig, gan gynnwys 'Prentis y Flwyddyn' Redrow a 'Medal Ragoriaeth' yn rownd derfynol cystadleuaeth WorldSkills. Mae llawer o fyfyrwyr yn cymryd rhan yng nghystadlaethau WorldSkills ac mae athletwyr talentog o'r academiâu wedi mynd ymlaen i gynrychioli Cymru ar lefel ryngwladol.

AMGYLCHEDD CROESAWUS A CHYFEILLGAR

Mae ein colegau'n cynnig amgylchedd croesawgar, amrywiol a chynhwysol iawn lle bydd staff yn eich cefnogi i sicrhau eich bod chi'n cael y gorau o'ch amser yn y coleg. Byddwch yn gwneud ffrindiau newydd a gallwch ymuno ag amrywiaeth o glybiau colegol. Cewch eich trin fel oedolyn a byddwn yn eich helpu i fagu hyder a datblygu eich annibyniaeth.

DEWISIADAU EANG

Rydym yn cynnig ystod enfawr o gyrsiau llawn amser, pynciau Lefel A ac amrywiol lwybrau prentisiaeth fel y gallwch ddod o hyd i gwrs sy'n addas i chi ac sy'n cyd-fynd â'ch ymrwymadau eraill. Mae'r coleg yn cynnig pynciau academiaidd a galwedigaethol mewn dros 25 maes pwnc, gan ei gwneud yn hawdd i chi ddod o hyd i'ch cwrs delfrydol. O ran pynciau Lefel A/AS yn unig, gallwch ddewis o blith dros 30 pwnc gwahanol!

CYFLEUSTERAU O'R RADD FLAENAF

Gan mai ni yw'r coleg mwyaf yng Nghymru, yn ddiweddar rydym wedi gallu buddsoddi dros £65 miliwn mewn cyfleusterau sy'n sicrhau eich bod yn cael profiadau dysgu tan gamp.

Mae'r rhain yn cynnwys canolfan chwaraeon gwerth £7m ar ein campws yn Llangefni a chanolfan beirianeg gwerth £13m ar gampws y Rhyl.

Yn rhan o'n rhaglen fuddsoddi byddwn hefyd yn adleoli ein campws ym Mangor i safle newydd sbon ym Mharc Busnes Parc Menai fydd â chyfleusterau o'r radd flaenaf.

Yn y canolfannau hyn ceir yr offer diweddaraf sydd o'r un safon ag a geir mewn diwydiant. Bydd hyn yn rhoi profiad i chi o'r byd go iawn ac yn eich paratoi ar gyfer eich gyrfa yn y dyfodol.

Pan na fyddwch mewn gwers, cewch ddefnyddio'r cyfleusterau ar y safleoedd sy'n cynnwys y llyfrgelloedd, y canolfannau chwaraeon a'r campfeydd, neu ymlacio gyda phaned o goffi yn un o'r amrywiol gaffis a ffreuturau.

CYFLEOEDD I GYFOETHOGI PROFIADAU MYFYRWYR

Tra byddwch yn astudio yn y coleg, cewch gyfleoedd i gymryd rhan mewn pob math o weithgareddau allgyrsiol fydd yn eich helpu i feithrin annibyniaeth a hyder ac yn ehangu eich profiadau. Ar y gwahanol gampysau gallwch gymryd rhan mewn sawl camp, gan gynnwys athletau, badminton, pêl-fasged, pêl-droed, hoci, pêl-rwyd, rygbi a sboncen, am hwyl neu'n gystadleuol, yn ogystal â nifer o weithgareddau awyr agored.

CEFNOGAETH RAGOROL I FYFYRWYR

Dyfarnodd arolygiad diwethaf y llywodraeth bod safon y gofal, y gefnogaeth a'r arweiniad a roddwn i fyfyrwyr yn 'rhagorol' - felly cewch bob gofal yn ystod eich amser yn y coleg.

Fel myfyriwr llawn amser cewch Diwtor Personol a fydd yn eich helpu i ymgynffino â bywyd yn y coleg ac yn cynllunio ac adolygu eich cynnydd er mwyn gwneud yn siŵr eich bod yn cyrraedd eich targedau. Gallwch gael cyngor ac arweiniad gan staff cyfeillgar ein Gwasanaethau i Ddysgwyr ar amrywiaeth o faterion sy'n cynnwys diogelu, lles, cymorth ychwanegol i astudio, materion ariannol, cyngor gyrfaol a gwasanaethau cwnsela cyfrinachol. Byddwch yn cael eich gwahodd i nosweithiau rhieni hefyd, i dderbyn adborth ar eich gwaith.

G

CYMWYSTERAU DELFRYDOL I'R GWEITHLE

Mae llawer o'n cyrsiau a'n prentisiaethau wedi cael eu datblygu mewn ymgynghoriad â chyflogwyr er mwyn sicrhau bod gennych y sgiliau cywir ar gyfer y gweithle pan fyddwch yn gadael y coleg. Bydd y sgiliau a ddysgwch yn y coleg, fel sgiliau cyfathrebu a rheoli amser a sgiliau sy'n gysylltiedig â meithrin annibyniaeth, gwaith tîm, sgiliau cymdeithasol a phrofiad gwaith, yn eich gwneud yn fwy cyflogadwy a pharod i ymdopi â byd gwaith neu addysg uwch. Mae llawer o'r cyrsiau hefyd yn cynnwys cyfleoedd i fynd ar leoliadau gwaith ac ymweliadau ac i wrando ar siaradwyr gwadd.

STAFF ADDYSGU ARBENIGOL


Mae ein staff addysgu yn brofiadol iawn ac mae llawer ohonynt yn arbenigwyr yn eu meysydd. Fel myfyriwr yn y coleg, byddwch chi'n elwa o'u profiad academaidd a galwedigaethol cryf gan fod llawer o'n staff wedi gweithio ym myd diwydiant

DILYNIANT

Mae ein myfyrwyr yn ennill canlyniadau rhagorol bob blwyddyn ac yn mynd ymlaen i gyflogaeth neu'n parhau â'u hastudiaeth ar lefel uwch, un ai yn y coleg neu mewn prifysgol.

Dyfarnodd arolygiad diwethaf y llywodraeth bod safon y gofal, y gefnogaeth a'r arweiniad a roddwn i fyfyrwyr yn 'rhagorol' - felly cewch bob gofal yn ystod eich amser yn y coleg.

PROSBEOTWS LLAWN AMSER



YR UNDEB MYFYRWYR

Mae pob un o'r tri choleg yn ethol ei lywydd ei hun. Y llywyddion hyn sy'n cynrychioli llais y myfyrwyr, ac maent yn trefnu digwyddiadau amrywiol trwy gydol y flwyddyn. Yn 2018, 2019, 2020 a 2022 enillodd ein Hundeb Myfyrwyr wobwr NUS Cymru i Undeb Myfyrwyr Addysg Bellach y Flwyddyn!

LLES

Drwy ein Strategaeth Lles rydym wedi ymrwmo i gefnogi lles ein holl ddysgwyr a staff. Fel myfyriwr bydd gennych fynediad i Hwb Lles sy'n cynnwys amrywiaeth eang o wybodaeth i gefnogi eich iechyd a'ch lles.

COLEG CYMRAEG CENEDLAETHOL

Nod y Coleg Cymraeg Cenedlaethol yw darparu rhagor o gyfleoedd i fyfyrwyr astudio drwy gyfrwng y Gymraeg ac i ddefnyddio'r Gymraeg yn gymdeithasol. Os hoffech ragor o wybodaeth am y gangen, gan gynnwys sut i ddod yn Llysgennad Myfyriwr neu sut i gael cymorth ariannol a chefnogaeth i'ch annog i ddefnyddio eich sgiliau Cymraeg a dwyieithog yn y coleg gallwch anfon neges e-bost at Swyddogion y Gangen - colegcymraeg@gllm.ac.uk

Gallwch hefyd ddilyn sianeli cyfryngau cymdeithasol y gangen:



@SCGLLM



@cangengllm

@llysgenhadongllm



Coleg
Cymraeg
Cenedlaethol



CHWARAEON

Fel myfyriwr cewch gyfle i gymryd rhan mewn llu o chwaraeon, un ai ar y campws neu mewn canolfannau hamdden lleol.

BWYD A DIOD

Ar ein campysau mae gennym ddewis helaeth o gaffis a bwytai, gan gynnwys Starbucks a Costa.

DATHLU LLWYDDIANT

Bob blwyddyn, byddwn yn cynnal nifer o seremonïau gwobrwyo, gan gydnabod dysgwyr talentog a gweithgar o'r holl golegau. Ynghanol y gwobrau a'r tlysau, yr adloniant a'r siaradwyr gwadd arbennig, ein dysgwyr yw sêr y digwyddiadau hyn!



GWNA GAIS RŴAN

BRECWAST AM DDIM

Brecwast yw pryd pwysicaf y dydd. Fel rhan o'n hymrwymiad i iechyd a lles byddwch yn gallu cael brecwast am ddim bob dydd ar bob un o'n campysau.

URDDAS YN YSTOD Y MISLIF

Yn ogystal, mae cynhyrchion untro ac amldro ecogyfeillgar ar gael i chi AM DDIM, un ai trwy'r Gwasanaethau i Ddysgwyr ar bob campws neu trwy eu dosbarthu i gartrefi'r dysgwyr.

Y CAMPFEYDD

Ar gampysau Llandrillo-yn-Rhos a Llangefni ceir cyfleusterau campfa modern ac ystod eang o offer o'r radd flaenaf.

LLYFRGELL A MWY


Mae ein gwasanaethau Llyfrgell a Mwy yn cynnig amrywiaeth eang o gyfleusterau, cefnogaeth ac adnoddau i ddysgwyr. Ochr yn ochr ag ystod eang o ddeunyddiau darllen i gefnogi eich astudiaethau, gall myfyrwyr hefyd gael mynediad at offer dysgu digidol fel Google Chromebooks. Mae staff profiadol hefyd wrth law i gefnogi myfyrwyr gyda sgiliau astudio, ac i gynnig cymorth gydag aseiniadau a pharatoadau ar gyfer arholiadau.



EIN CAMPYSAU

8 | PROSBEOTWS LLAWN AMSER





RYDYM YMA I'CH

CEFNOGAETH I FYFYRWYR

TÎM Y GWASANAETHAU I DDYSGWYR

Pa gampws bynnag y byddwch yn ei fynychu, bydd tîm cyfeillgar y Gwasanaethau i Ddysgwyr yn siop un stop i chi gael gwybodaeth am bob math o bynciau:

- Cyngor ynghylch gwneud cais am gyrsiau a gofynion mynediad
- Ffioedd cyrsiau a chyllid
- Cyngor gyrfaol
- Cyfleoedd o ran gwaith a lleoliadau gwaith i raddedigion
- Iechyd a Lles
- Ceisiadau UCAS
- Cludiant
- A llawer iawn mwy...

LLES MYFYRWYR

Rydym yn darparu cymorth llesiant a lles a gwasanaeth cyfeirio ac atgyfeirio at asiantaethau allanol arbenigol. Mae'r Gwasanaethau i Ddysgwyr yn cynnig cymorth ynghylch ystod o faterion, gan gynnwys:

- Iechyd a lles
- Cydraddoldeb ac amrywiaeth
- Mentora
- Cwnsela tymor byr
- Diogelu

Mae cymorth personol a chyfrinachol ar gael i Ofalwyr Ifanc, Plant sy'n Derbyn Gofal a Phobl Ifanc sy'n Gadael Gofal.

CYMORTH A CHWNSOLA CYFRINACHOL

Mae cymorth ar gael i fyfyrwyr sy'n wynebu anawsterau personol, emosiynol a/neu anawsterau'n gysylltiedig â'u lles. Mae staff cymwysedig wrth law i gynnig cefnogaeth gyfrinachol i'ch helpu drwy gyfnod anodd neu argyfwng personol.

CYMORTH DYSGU

Mae gan y coleg staff arbenigol i gynorthwyo dysgwyr sydd ag anghenion dysgu ychwanegol. Byddant yn gweithio gyda chi i ddatblygu cynllun fydd yn sicrhau eich bod yn manteisio i'r eithaf ar y cyfleoedd a gewch yn y coleg ac yn llwyddo i ennill eich cymhwyster. Gall y cymorth fod ar ffurf:

- Cymorth 1-1
- Cefnogaeth dechnegol
- Asesiadau risg
- Cynlluniau gofal
- Sgiliau astudio
- Addasu amodau arholiad

ASTUDIO DRWY GYFRWNG Y GYMRAEG

Heddiw, mae llawr o swyddi yng Nghymru'n gofyn am y gallu i gyfathrebu'n effeithiol yn y Gymraeg a'r Saesneg. Felly, gallai astudio'n ddwyieithog roi mantais i chi pan fyddwch yn chwilio am waith. Mae nifer o'r cyrsiau'n cael eu haddysgu'n ddwyieithog ac rydym yn darparu cyfleoedd i fyfyrwyr feithrin sgiliau Cymraeg a chymryd rhan mewn gweithgareddau Cymraeg.

CYFLEUSTERAU A CHYMORTH I BOBL ANABL

Mae'r colegau'n gwbl gynhwysol ac yn darparu cyfle cyfartal i bawb. Gall pob campws ddarparu cymorth pwrpasol i ddysgwyr sydd â nam ar eu golwg neu ar eu clyw neu sydd angen help llaw i symud o gwmpas.

DYSGU AR-LEIN AC O BELL

Mae mwyafrif y cyrsiau'n cael eu cyflwyno wyneb yn wyneb yn y coleg ond efallai y bydd adegau pan fydd angen i chi astudio gartref. Os nad oes gennych fynediad at gyfrifiadur personol adref, gallwch fenthg offer digidol gan y coleg.

Cymraeg

HELPU



CEFNOGAETH ARIANNOL

Fe all cymorth ariannol fod ar gael i'ch helpu i dalu am eich astudiaethau. Yn dibynnu ar eich amgylchiadau, gallech fod yn gymwys i gael cymorth ariannol i astudio. Mae gennym dîm o gynghorwyr a fydd yn gallu mynd â chi drwy'r manylion. Gall y cymorth ariannol sydd ar gael gynnwys:

LWFANS CYNHALIAETH ADDYSG

Os ydych rhwng 16 a 18 oed ac yn dilyn cwrs am fwy na 12 awr yr wythnos, mae'n bosibl y gallwch gael £30 yr wythnos. Mae'r Lwfans Cynhaliaeth Addysg yn ddibynnu ar brawf modd, felly gofynnwch i dîm y Gwasanaethau i Ddysgwyr am ragor o wybodaeth.

GRANT DYSGU LLYWODRAETH CYMRU

Os ydych yn 19+ oed ac yn byw yng Nghymru, gallwch wneud cais am Grant Dysgu Llywodraeth Cymru i'ch helpu gyda chostau dilyn eich cwrs. Bydd y swm a delir yn dibynnu ar incwm eich teulu ac ar nifer eich oriau astudio. Mae Grant Dysgu Llywodraeth Cymru'n ddibynnu ar brawf modd, felly gofynnwch i dîm y Gwasanaethau i Ddysgwyr am ragor o wybodaeth.

Y GRONFA CEFNOGI DDYSGWYR

Angen arian tuag at gostau dillad gweithio, offer neu ofal plant? Mae'r Gronfa Cefnogi Ddysgwyr yn darparu cymorth ariannol i ddysgwyr llawn amser sy'n ei chael hi'n anodd talu rhai o'r costau sy'n gysylltiedig â'u cwrs. Gall y gronfa hon eich helpu i dalu costau'n gysylltiedig â gwiriadau'r Gwasanaeth Datgelu a Gwahardd, llety mewn hostel, dillad gweithio, citiau, cyfarpar, ffioedd stiwdio, triapiau, teithio i'r coleg a gofal plant. Gall staff y Gwasanaethau i Ddysgwyr roi cyngor a gwybodaeth ynghylch y cymorth ariannol sydd ar gael.

LWFANS BWYD DYDDIOL

Mae Lwfans Bwyd Dyddiol ar gael i ddysgwyr rhwng 16 a 18 oed sydd wedi cofrestru ar raglen llawn amser, a fu'n derbyn prydau ysgol am ddim yn flaenorol. Gall staff y Gwasanaethau i Ddysgwyr roi rhagor o wybodaeth i chi.

EICH CWRS

MATHEMATEG A CHYMRAEG/SAESNEG

Os nad oes gennych radd C neu uwch mewn Mathemateg a/neu Gymraeg/Saesneg, byddwn yn eich cefnogi i ailsefyll y pynciau hyn yn rhan o'ch rhaglen astudio.

Ond, gan y bydd ailsefyll y cymwysterau TGAU hyn yn dreth ychwanegol ar eich amser, bydd o fantais i chi wneud eich gorau glas i gael graddau da'r tro cyntaf y byddwch yn eu sefyll. Beth bynnag yw eu canlyniadau TGAU, bydd disgwyl i bob myfyriwr ddatblygu eu sgiliau rhifedd a llythrennedd. Bydd cyfleoedd i wneud hyn yn rhan annatod o dasgau aseiniad cyrsiau, yn ogystal â phrofiad gwaith a gweithgareddau eraill. Yn achos llawer o gyrsiau, rydym yn gofyn am nifer penodol o TGAU gradd A*-C a gorau oll os ydynt yn cynnwys Mathemateg a Chymraeg/Saesneg.

SGILIAU DIGIDOL A SGILIAU BYD GWAITH

Pan fyddwch yn dechrau yn y coleg, os nad oes gennych radd C neu uwch mewn Mathemateg a/neu Gymraeg/Saesneg, byddwn yn eich cefnogi i ailsefyll y pynciau hyn yn rhan o'ch rhaglen astudio.

GWNA GAIS RŴAN 

BAGLORIAETH SGILIAU CYMRU UWCH

Mae'r cymhwyster newydd ac arloesol hwn yn cael ei raddio A*-E, ac yn werth yr un faint o bwyntiau UCAS â chymwysterau Lefel 3 cyfatebol.

Mae'r cwrs yn eich helpu i ddatblygu sgiliau trosglwyddadwy hanfodol i'ch cefnogi i ddod yn ddinasyddion effeithiol, cyfrifol a gweithgar. Mae prifysgolion a chyflogwyr yn ei ystyried yn gymhwyster gwerthfawr. Yn rhan o'r cymhwyster, byddwch yn dysgu am Ddinasyddiaeth Fyd-eang, yn ymgysylltu â'r gymuned, yn gweithio ar eich llwybr gyrfa a'r cyrchfan nesaf ac yn cwblhau Prosiect Ymchwil Unigol ar bwnc o'ch dewis.

DOD O HYD I'CH GYFRA BERFFAITH

Defnyddiwch yr Hyfforddwr Gyrfa ar ein gwefan i ddod o hyd i'ch gyrfa ddelfrydol.

Bydd ein cwis ar-lein yn gofyn cyfres o gwestiynau i chi am eich diddordebau a'ch sgiliau, ac yna'n eu defnyddio i roi dewis o yrfaedd posibl i chi.

Unwaith y byddwch wedi penderfynu ar lwybr gyrfa, gallwch ddefnyddio'n gwefan i ganfod pa gwrs neu gyrsiau sydd eu hangen arnoch i'ch helpu i gyrraedd eich nod!

DOD O HYD I'CH GYFRA BERFFAITH:
GLLM.AC.UK/GYRFAOEDD





PA LEFEL SY’N ADDAS I MI?

Yn ein colegau, cynigir y dewis mwyaf o gyrsiau addysg bellach ac addysg uwch yng Ngogledd Cymru ac maent yn amrywio o gyrsiau Lefel Mynediad i gyrsiau Gradd Anrhydedd. Dyma ganllawiau syml sy’n esbonio’r gwahanol lefelau sydd ar gael.

LEFEL		CYMHWYSTER		BETH NESAF?
LEFEL MYNEDIAD	• ▶	Paratoi ar gyfer cymwysterau Lefel 1	▶	Cymhwyster Lefel 1
SYLFAEN LEFEL 1	• ▶	BTEC Lefel 1, NVQ Lefel 1, City & Guilds Lefel 1, VRQ Lefel 1	▶	Cymhwyster neu brentisiaeth Lefel 2
CANOLRADD LEFEL 2	• ▶	BTEC Lefel 2, NVQ Lefel 2, TGAU, Prentisiaeth Lefel 2, City & Guilds Lefel 2, VRQ Lefel 2	▶	Cymhwyster neu brentisiaeth Lefel 3, neu waith
UWCH LEFEL 3	• ▶	Lefel A, Mynediad i Addysg Uwch, BTEC Lefel 3, NVQ Lefel 3, Prentisiaeth Lefel 3, VRQ Lefel 3	▶	Cwrs lefel prifysgolyn y coleg neu mewn sefydliad arall, prentisiaeth uwch neu waith
CYRSIAU LEFEL PRIFYSGOL (LEFELAU 4 - 6)	• ▶	Tystysgrif Addysg Uwch, HNC/D, Gradd Sylfaen, Prentisiaeth Uwch	▶	Cwrs atodol i gael Gradd Anrhydedd BA/BSc/BEng llawn neu waith
		Gradd Anrhydedd BA/BSc/BEng, Prentisiaeth Gradd	▶	Cymhwyster ôl-radd mewn sefydliad arall neu waith



LEFEL A

I GAEL GWYBOD RHAGOR,
EWCH I'N GWEFAN:
LEFEL A



Mae ein canolfannau Chweched Dosbarth yn gam nesaf delfrydol i chi os ydych yn gobeithio mynd ymlaen i brifysgol neu i waith ar ôl dilyn eich cyrsiau Lefel A.

Yn 2024, roedd cyfradd llwyddo ein dysgwyr Lefel A yn 99% ac aeth llawer ohonynt ymlaen i astudio mewn prifysgolion blaenllaw sy'n perthyn i Grŵp Russell, gan gynnwys Rhydychen a Chaergrawnt!

Yn ogystal, mae ein colegau'n rhan o gynllun Rhwydwaith Seren Llywodraeth Cymru, a gynlluniwyd i gefnogi'r rhai mwyaf galluog i wireddu eu potensial academiaidd yn llawn ac i gael lle yn y prifysgolion gorau.

Rydym yn cynnig dros 30 o gyrsiau Lefel AS/A a gyflwynir gan diwtoriaid profiadol a chymwys dros ben. Gan fod dewis mor eang ar gael, rydych yn siŵr o ddod o hyd i bynciau sy'n addas i chi.

Yn ogystal, byddwch yn astudio Bagloriaeth Cymru sy'n cyfateb i gymhwyster Lefel A llawn ac yn werth pwyntiau UCAS gwerthfawr a fydd yn eich galluogi i fynd ymlaen i astudio mewn prifysgol.

Rydym yn cynnig pynciau Safon Uwch ar ein campysau yn Nolgellau, Llangefni, Pwllheli, Llandrillo-yn-Rhos a'r Rhyl.

Rydym yn cynnig cyrsiau AS/Lefel A yn y pynciau a ganlyn:


- Celf, Crefft a Dylunio
- Celf a Dylunio
- Celf a Dylunio (Graffeg)
- Celf a Dylunio (Ffotograffiaeth)
- Bioleg
- Astudiaethau Busnes
- Cemeg
- Cyfrifiadureg
- Dylunio a Thechnoleg
- Drama ac Astudiaethau Theatr
- Economeg
- Saesneg Iaith
- Iaith a Llenyddiaeth Saesneg
- Llenyddiaeth Saesneg
- Astudiaethau Ffilm
- Ffrangeg
- Mathemateg Bellach
- Daearyddiaeth
- Hanes
- Y Gyfraith
- Mathemateg
- Astudio'r Cyfryngau
- Cerddoriaeth
- Addysg Gorfforol
- Ffiseg
- Seicoleg
- Astudiaethau Crefyddol
- Cymdeithaseg
- Cymraeg
- Cymraeg (Ail Iaith)




CHWECHED
SIXTH



Cafodd **TELERI HUGHES** le i astudio Daearyddiaeth ym Mhrifysgol Lerpwl ar ôl cael A* mewn Cyfrifiadureg ac A mewn Hanes a Daearyddiaeth.



Cafodd **JORDAN HADRILL** A* mewn Ffiseg a Mathemateg, ac A mewn Cemeg a Bioleg. Bydd Jordan yn astudio Ffiseg yn yr Imperial College yn Llundain ac mae'n gobeithio cael gyrfa ym maes Ymchwil Academiaidd.



Bydd **NOONE ABDALLA** yn astudio Gwyddoniaeth Fiofeddygol yn King's College, Llundain, ar ôl cael A* mewn Bioleg, ac A mewn Seicoleg a Chemeg.

MYNEDIAD I ADDYSG UWCH

I fyfyrwyr nad oes ganddynt gymwysterau ffurfiol ond a hoffai fynd ymlaen i astudio ar lefel prifysgol, mae cwrs Mynediad i Addysg Uwch yn ddull cyffrous a deinamig o ddysgu.

Bydd ein myfyrwyr yn cael canlyniadau eithriadol o dda bob blwyddyn ac yn mynd ymlaen i ddilyn cyrsiau gradd mewn meysydd fel Troseddeg, Gwyddor Fforensig, Nyrsio, Therapi Galwedigaethol ac Addysgu, un ai yng Ngrŵp Llandrillo Menai neu mewn prifysgolion eraill.

Rydym yn cynnig cyrsiau llawn amser yn y meysydd a ganlyn:

- Celf a Dylunio
- Biowyddorau
- Iechyd a Gofal
- Dyniaethau a Gwyddorau Cymdeithasol
- Gwyddoniaeth
- Gwyddorau Cymdeithasol

I GAEL GWYBOD RHAGOR,
EWCH I'N GWEFAN:

**MYNEDIAD I
ADDYSG UWCH**




GWYDDONIAETH GYMHWYSOL

Bydd ein cyrsiau Gwyddoniaeth Gymhwysol, a gynhelir mewn labordai soffistigedig, yn rhoi sylfaen gadarn i chi ym maes egwyddorion gwyddonol. Ar y cyrsiau hyn, cewch feithrin dealltwriaeth eang a sylfaenol o wyddoniaeth a'i chymwysiadau ymarferol. Gallech fynd ymlaen i ddilyn cyrsiau Lefel A, Mynediad i Addysg Uwch neu gyrsiau gwyddonol ar lefel prifysgol, neu gallech fynd i weithio mewn maes gwyddonol neu faes sy'n ymwneud ag iechyd.

I GAEL GWYBOD RHAGOR,
EWCH I'N GWEFAN:

**GWYDDONIAETH
GYMHWYSOL**





PRENTISIAETHAU

Mae Prentisiaethau'n dod yn llwybr mwyfwy poblogaidd at yrfa lwyddiannus. Wrth ddilyn prentisiaeth, byddwch yn ennill cyflog wrth ddysgu, gan ennill cymwysterau a gydnabyddir yn genedlaethol a meithrin sgiliau a gwybodaeth sy'n berthnasol i'r gwaith. Bydd hyn i gyd yn eich helpu i sefyll allan yn y farchnad swyddi.

Chwiliwch am y symbol prentisiaethau yn yr arweinlyfr cyrsiau hwn!

I GAEL GWYBOD RHAGOR,
EWCH I'N GWEFAN:

PRENTISIAETHAU



CELF A DYUNIO

Mae gan ein hadrannau celf enw rhagorol ac maent yn cynnig amrywiaeth o gyrsiau eang ac arbenigol. Dysgir y cyrsiau galwedigaethol mewn stiwdios, gyda chymorth cyfrifiaduron Apple Mac pwrpasol a meddalwedd o'r un safon ag a geir mewn diwydiant. Ceir cyfle hefyd i arbenigo mewn cyrsiau Celfyddyd Gain a Ffotograffiaeth ar lefel gradd.



I GAEL GWYBOD RHAGOR,
EWCH I'N GWEFAN:

**CELF A
DYUNIO**





BUSNES

Cynlluniwyd ein cyrsiau busnes i feithrin y wybodaeth, yr hyder, y sgiliau rhyngpersonol a'r sgiliau ymarferol y mae cyflogwyr yn chwilio amdanynt, gan baratoi myfyrwyr ar gyfer amrywiaeth o yrfaeodd ym maes busnes, gwasanaethau ariannol, marchnata, rheoli a'r sector cyhoeddus. Mae meithrin sgiliau entrepreneuriaidd yn elfen bwysig yn nifer o'n cyrsiau.

Rydym yn cynnig cyrsiau llawn amser yn y meysydd a ganlyn:

- Gweinyddu Busnes
- Astudiaethau Busnes

I GAEL GWYBOD RHAGOR,
EWCH I'N GWEFAN:
BUSNES



PROSPECTWS LLAWN AMSER | 17

DATBLYGIAD AC ADDYSG PLANT

Mae galw cynyddol am weithwyr gofal plant. Mae'r swyddi allweddol hyn yn helpu i gefnogi lles a datblygiad plant a phobl ifanc ein gwlad. Bydd ein cyrsiau'n rhoi gwybodaeth a sgiliau ymarferol i chi ar gyfer gweithio yn y sector cyffrous hwn.

Ar ôl gweithio mewn amrywiaeth o leoliadau a swyddi blynyddoedd cynnar eu hunain, mae ein darlithwyr yn arbenigwyr yn eu maes.

Rydym yn gweithio'n agos gydag amrywiaeth o sefydliadau gan gynnwys awdurdodau lleol, darparwyr gofal plant a meithrinfeydd, sefydliadau elusennol a sefydliadau fel Medrwn Môn, Dechrau'n Deg, y Mudiad Meithrin ac ati.

Bob blwyddyn mae ein dysgwyr yn symud ymlaen yn llwyddiannus i waith yn y sector, neu i astudiaethau pellach ar lefel uwch.



VISIT OUR WEBSITE
TO FIND OUT MORE ON:
**DATBLYGIAD AC
ADDYSG PLANT**



CYFRIFIADURA, TECHNOLEGAU DIGIDOL A DATBLYGU GEMAU

Fel myfyriwr, cewch ddefnyddio consolau, offer Realiti Rhithwir (VR) / Realiti Estynedig (ER) (Hololens, Oculus Rift), argraffwyr 3D, llechi graffeg Wacom, labordai caledwedd a meddalwedd a chyfrifiaduron sy'n gallu rhedeg meddalwedd technegol a ddefnyddir yn y diwydiant, e.e. Maya, Unreal, Unity, Game Maker, Animate, Microsoft Visual Studio, Python, App Inventor, Lego Mindstorms a'r Adobe Master Suite.

Caiff myfyrwyr gyfle i fynd ar leoliadau gwaith gan weithio ar amrywiaeth o brosiectau mawr gyda chyflogwyr adnabyddus, e.e. Go North Wales, TT Games a Pixel Knights.

Rydym yn cynnig cyrsiau llawn amser yn y meysydd a ganlyn:

- Technoleg Ddigidol
- E-Chwaraeon (Esports)
- Datblygu Gemau
- Technoleg Gwybodaeth
- Datblygu Meddalwedd



I GAEL GWYBOD RHAGOR,
EWCH I'N GWEFAN:

**CYFRIFIADURA,
TECHNOLEGAU DIGIDOL
A DATBLYGU GEMAU**



ADEILADU A'R AMGYLCHEDD ADEILEDIG



Mae'r diwydiant adeiladu yn gyflogwr mawr yng ngogledd Cymru ac yn cynnig amrywiaeth eang o gyfleoedd i'r rhai sy'n dymuno gweithio mewn amgylcheddau domestig, masnachol a diwydiannol.


Mae gan ein colegau berthynas ardderchog â Sgiliau Adeiladu, Cyngor Sgiliau Sector y diwydiant, yn ogystal â chyflogwyr lleol, awdurdodau lleol a chymdeithasau tai.

Rydym yn cynnig cyrsiau llawn amser yn y meysydd a ganlyn:

- Gwaith Brics
- Gwaith Saer ac Asiedydd
- Adeiladu Proffesiynol
- Gosod Trydan
- Paentio ac Addurno
- Plastro
- Plymwaith

I GAEL GWYBOD RHAGOR,
EWCH I'N GWEFAN:

**ADEILADU A'R
AMGYLCHEDD
ADEILEDIG**



PEIRIANNEG A GWEITHGYNHYRCHU UWCH


Mae'r sector peirianeg yn cynnig ystod eang o yrfaeod sy'n talu'n dda i'r rhai sydd â'r hyfforddiant a'r sgiliau cywir.

Cyflwynir ein holl gyrsiau mewn ystafelloedd dosbarth modern a gweithdai o'r un safon ag a geir yn y diwydiant. Rydym yn gweithio gyda chwmnïau lleol, cenedlaethol a rhyngwladol i alluogi pobl ifanc i gael y sgiliau o ansawdd uchel y mae ar gyflogwyr eu hangen.


Yn ogystal â'n cyfleusterau rhagorol ar gampws Llangefni, yn ddiweddar rydym wedi agor canolfan beirianeg newydd sbon gwerth £13 miliwn ar ein campws yn y Rhyl.

Rydym yn cynnig cyrsiau llawn amser yn y meysydd a ganlyn:

- Peirianeg Awyrennau
- Peirianeg Drydanol/Electronig
- Ffabrigo a Weldio
- Peirianeg Fecanyddol/Peirianeg Gweithgynhyrchu
- Peirianeg Chwaraeon Moduro



I GAEL GWYBOD RHAGOR,
EWCH I'N GWEFAN:
**PEIRIANNEG A
GWEITHGYNHYRCHU
UWCH**



SAESNEG I SIARADWYR IEITHOEDD ERAILL (ESOL)

Mae ein cyrsiau Saesneg i Siaradwyr Ieithoedd Eraill (ESOL) yn addas i unrhyw un nad yw'r Gymraeg neu'r Saesneg yn iaith gyntaf iddynt.

Os ydych eisiau gwella eich sgiliau Saesneg ar gyfer y gweithle, neu'n teimlo eich bod angen gwella eich Saesneg llafar neu ysgrifenedig, bydd ein hathrawon ESOL profiadol a chyfeillgar yn eich helpu i osod nodau i chi eich hun gan eich cefnogi i'w cyflawni.

Bydd y cyrsiau hyn yn:

- Eich helpu i wella eich iaith, eich sgiliau a'ch hyder
- Eich helpu i ddysgu'r iaith a'r sgiliau rydych eu hangen i fyw a gweithio yng Nghymru
- Eich paratoi i ddod o hyd i hyfforddiant a gwaith
- Rhoi cyfle i chi gyfarfod â phobl o bob cwr o'r byd a gweithio ochr yn ochr â phobl leol

I GAEL GWYBOD RHAGOR,
EWCH I'N GWEFAN:
**SAESNEG I SIARADWYR
IEITHOEDD ERAILL
(ESOL)**



GLYNLLIFON

Mae'r rhaglenni canlynol i gyd ar gael ar gampws Glynllifon. Ceir yno hefyd lu o gyfleusterau pwrpasol i gyd-fynd â'r cyrsiau a ddarperir ym maes diwydiannau'r tir.

Ym mloc addysgu Llifon, a gostiodd £7.4 miliwn i'w godi, ceir:

- Ystafelloedd dosbarth modern
- Ystafelloedd TG
- Llyfrgell a chanolfan adnoddau
- Darlithfa fawr
- Prentisiaeth Cadwraeth Amgylcheddol

LLETY

Yn ystod yr wythnos, gall myfyrwyr o bell aros yn y llety cyfforddus a ddarperir ar gampws Glynllifon. Mae yno wardeiniaid i gefnogi a goruchwylio'r myfyrwyr gyda'r nos a thros nos. Gall y preswylwyr ddefnyddio'r ystafell deledu, y byrddau pŵl a thennis bwrdd, offer y gampfa, yn ogystal â'r ceginau hunanarlwyo a'r lolfeydd. Yn rheolaidd, cynhelir gweithgareddau gyda'r nos, gan gynnwys sesiynau coginio, sesiynau ffitrwydd a saethu colomennod clai.

PEIRIANNEG DIWYDIANNAU'R TIR A PHEIRIANWAITH AMAETHYDDOL

Mae'r cyfleusterau yma yng Nglynllifon yn cynnwys gweithdy peirianeg pwrpasol a chyfleusterau weldio a ffabrigo modern. Mae'r dysgwyr yn cael profiadau realistig a pherthnasol gan weithio'n agos gyda'r fferm ar safle'r coleg lle defnyddir ystod o beiriannau amaethyddol modern a'u cynnal a'u cadw. Mae'r adran hefyd yn gweithio'n agos gyda busnesau a chyflogwyr lleol. Mae unedau penodol o'r cyrsiau'n trafod pynciau fel technoleg peiriannau, gweithrediadau peiriannau, hwsmonaeth cnydau a da byw, rheoli busnes, technoleg ffermio manwl, offer diagnostig, arferion gweithdai ac unedau pŵer. Bydd dysgwyr hefyd yn cael cyfle i ennill cymwysterau a sgiliau ychwanegol megis gyrru beiciau cwad, trin tractorau, defnyddio peiriannau codi telesgopig, ac ati.



I GAEL GWYBOD RHAGOR,
EWCH I'N GWEFAN:

**PEIRIANNEG DIWYDIANNAU'R TIR
A PHEIRIANWAITH AMAETHYDDOL**





I GAEL GWYBOD RHAGOR,
EWCH I'N GWEFAN:
**COEDWIGAETH
A RHEOLI
CEFN GWLAD**



COEDWIGAETH A RHEOLI CEFN GWLAD

Bydd y cyrsiau ymarferol hyn yn eich galluogi i feithrin sgiliau a gwybodaeth mewn amryw o feysydd cysylltiedig fel Rheoli Coedwigoedd/Coetiroedd, Coedyddiaeth, Cadwraeth, Rheoli Cynefinoedd a Defnyddio Peiriannau a Llif Gadwyn. Cewch gyfle hefyd i ennill tystysgrifau technegol ychwanegol i brofi eich cymhwysedd. Mae gennym gysylltiadau cryf â'r sector coedwigaeth/cadwraeth, ac rydym yn ymweld yn rheolaidd â sefydliadau perthnasol sy'n flaenllaw yn y sector. Rheolir y goedwig yn unol â Chynllun Rheoli Coetir 'Glastir'. Yn ogystal, mae rhannau o'r fferm yn Safleoedd o Ddiddordeb Gwyddonol Arbennig ac yn Ardaloedd Cadwraeth Arbennig Ewropeaidd. Mae'r rhain eto'n cynnig cyfleoedd ychwanegol i ddysgwyr.

AMAETHYDDIAETH

Bydd ein cyrsiau amaethyddol yn datblygu eich sgiliau a'ch dealltwriaeth mewn ystod o bynciau sy'n gysylltiedig â'r sector, fel cynhyrchu da byw, rheoli glaswelltir, cynhyrchu cnydau a rheoli fferm. Bydd y dysgwyr yn cael addysg sy'n cyfuno gwersi theori mewn ystafelloedd dosbarth modern â sesiynau ymarferol ar ein fferm arloesol a masnachol.

I GAEL GWYBOD RHAGOR,
EWCH I'N GWEFAN:
AMAETHYDDIAETH



**PRENTISIAETHAU
AR GAEL!**



I GAEL GWYBOD RHAGOR,
EWCH I'N GWEFAN:
**ASTUDIAETHAU
ANIFEILIAID A NYRSIO
MILFEDDYGOL**



ASTUDIAETHAU ANIFEILIAID A NYRSIO MILFEDDYGOL

Fel myfyriwr sy'n dilyn rhaglen Astudiaethau Anifeiliaid, byddwch yn meithrin sgiliau a gwybodaeth mewn amryw o feysydd cysylltiedig fel Iechyd a Lles Anifeiliaid, Hyfforddi Anifeiliaid, Magu Anifeiliaid, Maetheg, Paratoi Anifeiliaid a Rheoli Busnes.

**Rydym yn cynnig cyrsiau llawn
amser yn y meysydd a ganlyn:**

- Astudiaethau Anifeiliaid
- Rheoli ym maes Anifeiliaid

Yn ogystal, rydym yn gweithio mewn partneriaeth â grŵp o filfeddygon cyswllt er mwyn darparu'r Diploma Lefel 2 i Gynorthwyyr Nyrsio Milfeddygol a'r Diploma Lefel 3 mewn Nyrsio Milfeddygol. Mae'r rhain yn gymwysterau seiliedig ar waith a gymeradwyir gan Goleg Brenhinol y Milfeddygon.

TRIN GWALLT A THERAPI HARDDWCH

Darperir eich hyfforddiant mewn salon o'r radd flaenaf a chewch eich dysgu sut i ddefnyddio'r technegau a'r cynhyrchion diweddaraf, yn cynnwys rhai Wella, Goldwell, Dermalogica a Tan Truth.

Mae'r Grŵp yn gweithio mewn partneriaeth â Grŵp Francesco sy'n adnabyddus iawn ac wedi ennill lluo o wobrau. Bydd y myfyrwyr yn cymryd rhan mewn cystadleuaeth flynyddol a gynhelir yn y coleg gerbron cyflogwyr lleol, yn ymweld ag arddangosfeydd cenedlaethol ac yn cael profiad gwaith. Bob blwyddyn, mae ein myfyrwyr yn ennill cystadlaethau rhanbarthol a chenedlaethol.

Rydym yn cynnig cyrsiau llawn amser yn y meysydd a ganlyn:

- Gwaith Barbwr
- Therapi Harddwch
- Ffasiwn, Theatr a Chyfyngau
- Trin Gwallt
- Therapi Tylino
- Therapi Sba



I GAEL GWYBOD RHAGOR,
EWCH I'N GWEFAN:
**TRIN GWALLT
A THERAPI
HARDDWCH**



I GAEL GWYBOD RHAGOR,
EWCH I'N GWEFAN:
**IECHYD A GOFAL
CYMDEITHASOL**



IECHYD A GOFAL CYMDEITHASOL

Mae'r Gwasanaeth Iechyd Gwladol a'r gwasanaethau Gofal Cymdeithasol yn chwilio am unigolion sy'n awyddus i helpu pobl eraill.


Cyflwynir ein holl gyrsiau mewn amgylcheddau dysgu realistig, ac mae gan ein staff arbenigol ystod eang o brofiad yn y diwydiant ar ôl bod yn Weithwyr Cymdeithasol Cofrestredig, Nyrsys Cofrestredig, Therapyddion Galwedigaethol a Rheolwyr Cartrefi Gofal.

Byddwch yn dysgu'r sgiliau a'r wybodaeth sy'n hanfodol i weithio yn y sector. Yn dibynnu ar lefel eich cwrs, byddwch yn mynd ar leoliadau gwaith ac yn cymryd rhan mewn gweithgareddau ymgysylltu â'r sector, megis gweithio gyda phartneriaid a chyflogwyr yn y sector.



**GIG
CYMRU
NHS
WALES**

Bwrdd Iechyd Prifysgol
Betsi Cadwaladr
University Health Board






LLETYGARWCH AC ARLWYO

Cafodd ein hadrannau Lletygarwch radd 'Rhagoriaeth' gan Estyn, Arolygiaeth ei Mawrhydi dros Addysg a Hyfforddiant yng Nghymru.


Y maes rhaglen Lletygarwch ac Arlwyio yw'r unig un yng Nghymru sy'n darparu cyrsiau llawn amser a rhan-amser, o Lefel 1 hyd at Raddau Anrhydedd, mewn Celfyddydau Coginio a Rheoli ym maes Lletygarwch. Mae hefyd yn darparu prentisiaethau, cymwysterau NVQ a hyfforddiant wedi'i deilwra i rai sy'n gweithio yn y diwydiant. Cewch y cyfle i gael eich dewis i gymryd rhan ym Mhencampwriaethau Coginio Cymru lle mae ein dysgwyr wedi cael llwyddiant sylweddol dros y blynyddoedd. Byddwch hefyd yn cymryd rhan mewn amrywiaeth eang o gystadlaethau cenedlaethol sy'n cynnwys Torque Dôr, Seafish a Worldskills. Mae lleoliadau gwaith ar draws Ewrop, a ariennir y llawn gan raglen Erasmus+, yn rhoi cyfle i chi feithrin sgiliau cyflogadwyedd.

Rydym yn cynnig cyrsiau llawn amser yn y meysydd a ganlyn:

- Lletygarwch ac Arlwyio
- Coginio Proffesiynol a Gweini Bwyd a Diod
- Coginio Proffesiynol (Cegin a Phantri)



I GAEL GWYBOD RHAGOR,
EWCH I'N GWEFAN:
**LLETYGARWCH
AC ARLWYO**



SGILIAU BYWYD A GWAITH

Mae'r maes hwn yn cynnwys tri llwybr:

Llwybr 2

Ar y llwybr hwn, cefnogir pobl ifanc sydd ag amrywiaeth o anghenion cymhleth i feithrin sgiliau a fydd yn eu galluogi i weithio a/neu i fyw mewn tŷ gyda chymorth. Mae'r holl gyrsiau'n cynnig cyfleoedd gwaith gydag amrywiaeth o gyflogwyr, er enghraifft: Zip World, The Rabbit Hole, Hosbis Dewi Sant, Parc Eirias a Premier Inn.

Llwybr 3

Ar y llwybr hwn, cefnogir pobl ifanc er mwyn iddynt fynd ymlaen i ddilyn cyrsiau uwch. Mae hyn yn cynnwys mynd ymlaen yn syth i ddarpariaeth prif ffrwd neu swydd (cyflogaeth gyda chefnogaeth neu brentisiaeth) neu i ddilyn rhaglen ymgysylltu/hyfforddeiaeth. Caiff dysgwyr Sylfaen gyfle i gael profiad gwaith, yn y gymuned ac mewn amgylcheddau gwaith go iawn yn y coleg. Cânt hefyd fynd i feysydd rhaglen eraill ar y campysau perthnasol i gael rhagflas o rai cyrsiau galwedigaethol.

Llwybr 1

Ar y llwybr hwn, cefnogir pobl ifanc sydd ag amrywiaeth o anghenion cymhleth ac sydd am feithrin y sgiliau a fydd yn eu galluogi i wneud dewisiadau'n annibynnol. Ar gampws Llandrillo-yn-Rhos ceir ystafell synhwyaidd bwrpasol i ddysgwyr ag anghenion dysgu dwys a lluosog.



I GAEL GWYBOD RHAGOR,
EWCH I'N GWEFAN:
**SGILIAU BYWYD
A GWAITH**



TECHNOLEG FOROL

PRENTISIAETHAU
AR GAEL!



Ymhlith y pynciau a gynigir y mae gwaith coed, gwaith plastig wedi'i gryfhau â gwydr, systemau gyrru ac electroneg forol. Yn ystod y flwyddyn, trefnir cyrsiau arbenigol, fel cyrsiau'r Royal Yachting Association, cyrsiau radio VHF a chyrsiau sy'n ymdrin ag injanau diesel. Pan na fyddant ar y campws, caiff myfyrwyr gyfle i ddefnyddio a llywio cychod a meithrin eu sgiliau morwriaeth.



I GAEL GWYBOD RHAGOR,
EWCH I'N GWEFAN:
**TECHNOLEG
FOROL**



CYFRYNGAU, TELEDU A FFILM

Cewch eich dysgu gan staff proffesiynol cymwysedig sydd wedi cael profiad perthnasol yn y diwydiant, a chewch feithrin sgiliau ymarferol wrth gwblhau prosiectau go iawn i ddiwydiannau a sefydliadau lleol. Ymhlith y sgiliau a gaiff eu meithrin mae cynhyrchu fideo, ffotograffiaeth a'r gallu i ddefnyddio meddalwedd golygu fideo Adobe.

Cewch eich annog i ddatblygu'ch gallu creadigol drwy fynd ar brosiectau profiad gwaith gyda chyflogwyr lleol fel Venue Cymru, Chwael TV, Canned Media ac 'It's My Shout'. Caiff y prosiectau hyn eu darlledu ar BBC2 Cymru ac S4C.

Caiff ein cyrsiau eu cynnal mewn cyfleusterau ardderchog lle ceir y dechnoleg ddiweddaraf sy'n cynnwys ystafelloedd cyfryngau gyda meddalwedd o safon a gydnabyddir gan y diwydiant, a stiwdio aml-gamera ac ystafell sain i fyfyrwyr sy'n dilyn cyrsiau ym maes ffilm a theledu. Golyga hyn y bydd eich sgiliau'n gyfoes ac yn hynod o ddefnyddiol.

Rydym yn cynnig cyrsiau llawn amser yn y meysydd a ganlyn:

- Cynhyrchu Cyfryngau
- Cyfryngau Digidol
- Ffilm a Theledu

I GAEL GWYBOD RHAGOR,
EWCH I'N GWEFAN:
**CYFRYNGAU,
TELEDU
A FFILM**



PRENTISIAETHAU
AR GAEL!



TECHNOLEG CERBYDAU MODUR

Yn ein canolfannau, ceir yr offer diweddaraf sy'n cynnwys cyfleusterau i gynnal asesiadau ar roleri ac asesiadau diagnostig, cyfleusterau weldio a ffabrigo, bwth chwistrellu USI, technoleg hybrid a systemau rheoli tymheredd mewn cerbydau.

Cynigir amrywiaeth o gyrsiau, yn ogystal â rhaglenni hyfforddi pwrpasol i'r diwydiant moduro. Gall myfyrwyr hefyd feistrolï sgiliau ail-orffennu awyrennau.

Rydym yn cynnig cyrsiau llawn amser yn y meysydd a ganlyn:

- Trin a Thrwsio Cerbydau Trwm
- Trin a Thrwsio Cerbydau Ysgafn
- Peirianeg Chwaraeon Moduro
- Trwsio Cyrff Cerbydau Modur
- Ailorffen Cerbydau (Cerbydau Modur ac Awyrennau)



I GAEL GWYBOD RHAGOR,
EWCH I'N GWEFAN:
**TECHNOLEG
CERBYDAU
MODUR**



CERDDORIAETH A THECHNOLEG CERDDORIAETH

Cewch brofiad uniongyrchol o weithio mewn stiwdio recordio broffesiynol a defnyddio ystafelloedd cynhyrchu cerddoriaeth lle y ceir offer cyfoes o'r un safon ag a geir yn y diwydiant. Byddwch yn cael eich annog i feithrin eich sgiliau cyfansoddi a pherfformio ac i gymryd rhan mewn cynrychiadau cerddorol a gigs. Cewch gyfle hefyd i fynd i gigs a gweithdai a gynhelir gan artistiaid adnabyddus yn eu maes ac i ddysgu sut i ennill bywoliaeth yn y diwydiant cerddoriaeth.



I GAEL GWYBOD RHAGOR,
EWCH I'N GWEFAN:
**CERDDORIAETH
A THECHNOLEG
CERDDORIAETH**



CELFYDDYDAU PERFFORMIO

Cewch ddysgu am bob agwedd ar berfformio, gan gynnwys drama, dawns, canu, cerddoriaeth a chrefft llwyfan. Yn ystod y cwrs, cewch gyfleoedd ymarferol i feithrin eich sgiliau perfformio drwy gymryd rhan mewn sioeau yn y coleg, yn ogystal â pherfformio mewn theatrau proffesiynol allanol. Cewch hefyd gyfle i ddilyn gweithdai ac ymweld â theatrau a lleoliadau ledled y Deyrnas Unedig er mwyn meithrin dealltwriaeth ehangach o ddiwydiant y celfyddydau perfformio.



I GAEL GWYBOD RHAGOR,
EWCH I'N GWEFAN:
**CELFYDDYDAU
PERFFORMIO**



PARATOI AR GYFER ADDYSG BELLACH

Cynigir y ddau lwybr a ganlyn yn y maes hwn:

PARATOI AR GYFER ADDYSG BELLACH

Ar y cyrsiau hyn bydd dysgwyr yn magu hyder i fod yn fwy annibynnol ac yn ennill sgiliau i fynd ymlaen i gyrsiau galwedigaethol pellach yn y coleg. Mae'r cyrsiau hyn wedi'u hanelu at ddysgwyr sy'n gadael yr ysgol ac sy'n awyddus i ddatblygu eu sgiliau rhifedd a llythrennedd. O ran rhifedd a llythrennedd, bydd gofyn i ddysgwyr fod yn gweithio ar o leiaf lefel Mynediad 3 neu uwch. Bydd angen iddynt ddod i gyfswiliad neu sesiwn rhagflas i wneud yn siŵr bod y cwrs yn addas ar eu cyfer, a bod â'r gallu i gyrraedd y coleg yn annibynnol.

LLWYBR 4 - RHAGLEN INTERNAETH Â CHYMORTH

Mae hon yn rhaglen interniaeth un flwyddyn sydd yn cefnogi pobl ifanc ag anabledd dysgu a/neu awtistiaeth, gan eu galluogi i ennill y sgiliau a'r profiad i symud i waith cyflogedig.

Nod yr interniaethau wedi eu cefnogi yw paratoi dysgwyr ar gyfer cyflogaeth drwy:

- Eu cefnogi i ddatblygu sgiliau a werthfawrogi gan gyflogwyr.
- Eu galluogi i ddangos eu gwerth yn y gweithle.
- Datblygu hyder yn eu galluoedd eu hunain i berfformio'n llwyddiannus yn y gwaith

I GAEL GWYBOD RHAGOR,
EWCH I'N GWEFAN:
**PARATOI AR GYFER
ADDYSG BELLACH**



SGILIAU AR GYFER ASTUDIO PELLACH

Mae'r rhaglen hon ar gyfer myfyrwyr sy'n dymuno mynd ymlaen i astudio ymhellach ac sydd â'u bryd ar ddilyn cwrs addysg uwch. Mae'r cwrs yn canolbwyntio'n bennaf ar wella sgiliau rhifedd, llythrennedd a llythrennedd digidol yn barod ar gyfer astudio ar lefel 2.



I GAEL GWYBOD RHAGOR,
EWCH I'N GWEFAN:
**SGILIAU AR GYFER
ASTUDIO PELLACH**



GWASANAETHAU CYHOEDDUS

Mae'r rhaglen hon yn addas i fyfyrwyr sydd am ddilyn gyrfa yn y gwasanaethau lifrog fel yr Heddlu, y Gwasanaeth Tân, y Lluedd Arfog a'r Gwasanaeth Ambiwylans.

Cynlluniwyd y cyrsiau er mwyn rhoi i chi'r wybodaeth, y ddealltwriaeth a'r sgiliau y bydd arnoch eu hangen i lwyddo yn eich swydd bresennol ac mewn swyddi yn y dyfodol, ac i'w cyflwyno fe ddefnyddir cyfuniad o dasgau a gweithgareddau ymarferol, rhai seiliedig ar waith a rhai'n ymwneud â theori.

I GAEL GWYBOD RHAGOR,
EWCH I'N GWEFAN:
**GWASANAETHAU
CYHOEDDUS**



GWEITHGAREDDAU AWYR AGORED

Ar bob cwrs, cyfunir gwaith theori a sesiynau ymarferol ag ymweliadau allanol a chyflwyniadau gan siaradwyr gwadd sy'n arbenigwyr yn eu meysydd, er mwyn meithrin eich gwybodaeth a'ch sgiliau. Pa raglen bynnag y byddwch yn ei dilyn, cewch gyfle i ennill cymwysterau ychwanegol buddiol, gan gynnwys cymhwyster cymorth cyntaf, dyfarniadau awyr agored a chymwysterau hyfforddi mewn pob math o gampau.

Mae pob cwrs yn cefnogi ystod o lwybrau dilyniant, gan gynnwys mynd i'r brifysgol neu fod yn hunangyflogedig yn y diwydiant.

Yn ogystal â'n cyfleusterau rhagorol ar gampws Llandrillo-yn-Rhos, yn ddiweddar rydym wedi agor canolfan chwaraeon newydd sbon gwerth £7 miliwn ar gampws Llangefni.

Rydym yn cynnig cyrsiau llawn amser yn y meysydd a ganlyn:

- Gwyddor Chwaraeon ac Ymarfer Corff
- Addysg Awyr Agored
- Chwaraeon (Perfformiad a Rhagoriaeth)
- Chwaraeon (gyda phwyslais ar hyfforddi, datblygu a ffitrwydd)

I GAEL GWYBOD RHAGOR,
EWCH I'N GWEFAN:

**CHWARAEON AC
ADDYSG AWYR
AGORED**



ACADEMïAU

Mae'r academiâu chwaraeon ar ein campysau yn Llangefni a Llandrillo-yn-Rhos yn rhoi cyfle i athletwyr yng ngogledd Cymru astudio, tra hefyd yn gwella eu ffitrwydd a'u sgiliau mewn pêl-droed, rygbi a chwaraeon eraill. Gall chwaraewyr addawol hefyd gael eu dewis i chwarae ar lefel ranbarthol neu genedlaethol.

Mae Academi Llandrillo ac Academi Menai'n rhoi cyfle i athletwyr o bob gallu i ddatblygu eu potensial ar y maes chwarae, gan gyflawni'n academaidd hyd eithaf eu gallu ar yr un pryd.

Gall athletwyr elitaidd benywaidd a gwrywaidd eraill gael cymorth arbenigol yr Academi i'w helpu gyda'u gyrfaedd chwaraeon.

Mae ein hacademiâu chwaraeon yn cyfuno chwaraeon â dewis eang o gyrsiau academaidd a galwedigaethol sy'n gweddu i wahanol alluoedd a diddordebau. Golyga hyn y gallwch ennill cymwysterau a pharhau i hyfforddi a datblygu ym maes chwaraeon yr un pryd!

Yn ein Hacademiâu gallwch ddewis arbenigo yn y chwaraeon canlynol:

PÊL-DROED

Bydd yr Academi Bêl-droed yn rhoi cyfleoedd a chefnogaeth i chi feithrin eich sgiliau ac ehangu eich profiadau ar y maes chwarae, yn ogystal ag astudio ar gwrs academaidd llawn amser. Ar gael yng Ngholeg Llandrillo a Choleg Menai.

RYGBI

Mae'r Academi Rygbi'n rhedeg yn gyfochrog â'r cwrs a ddewiswch. Mae'n darparu rhaglen gyfannol sy'n rhoi sylw i ddatblygiad corfforol, technegol, tactegol a seicolegol yn ogystal â sut i reoli ffordd o fyw. Ar gael yng Ngholeg Llandrillo.

ACADEMI BENYWOD

Bydd yr academi benywod yn rhoi cyfleoedd a chymorth i chi ddatblygu eich sgiliau a'ch profiadau chwaraeon ochr yn ochr ag astudio cwrs academaidd llawn amser.

Gewch wneud
cais am le yn un o'n
hacademiâu fel rhan o'r
cais i astudio yn y coleg.

Neu mae croeso i chi ffonio:

ACADEMI LLANDRILLO
01492 542 347

ACADEMI MENAI
01248 383 348



TEITHIO A THWRISTIAETH

Mae twristiaeth yn sector bwysig yng Ngogledd Cymru, ac mae'r maes rhaglen cyffrous hwn yn cynnig cyfleoedd i astudio o Lefel 2 hyd at lefel gradd. Mae ein myfyrwyr yn cael ymweld ag amrywiaeth o atyniadau yng Ngogledd Cymru, Caerdydd, Llundain, y Deyrnas Unedig a thramor.

Drwy raglen Erasmus+, cewch fanteisio hefyd ar gyfleoedd wedi'u hariannu'n llawn i fynd ar brofiad gwaith i Ewrop. Ar gampws Llandrillo-yn-Rhos, ceir asiantaeth deithio lle mae myfyrwyr yn gweithio ac yn cael cyfle i loywi eu sgiliau cyflogadwydd.

Bydd ein myfyrwyr yn mynd ymlaen i weithio i amrywiaeth o gwmnïau lleol a chenedlaethol, gan gynnwys canolfannau ymwelwyr, asiantaethau teithio, trefnwyr teithiau a chwmnïau hedfan fel British Airways, Titan Airways a TUI.



I GAEL GWYBOD RHAGOR,
EWCH I'N GWEFAN:

**TEITHIO A
THWRISTIAETH**



GWNEUD CAIS



Os ydych yn gwybod pa gwrs llawn amser yr ydych am wneud cais amdano, gallwch wneud cais ar-lein yn uniongyrchol o'r dudalen sy'n rhoi gwybodaeth i chi am y cwrs.

I wneud cais, dewiswch eich campws ac yna cwblhewch y broses gofrestru drwy ddilyn y cyfarwyddiadau sydd ar y sgrin.

**GWNA GAIS
RŴAN:**

